



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

REPUBLIKA E KOSOVËS/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. 2-D/DPK	Nr. Prot. 01-1386/14
Broj stranica 03	Datum 18.04.2014
Nr. pages	Date
PRISHTINË	

DATE/A:	18.04.2014
REFERENC-Ë:	AKK- DPKPP
PËR/ZA/TO:	z. Faredin SYLEJMANI Menaxher i Zyrës së Prokurimit - Spitali Rajonal Gjilan
CC:	z. Abdylatif LATIFI U.D. i Drejtorit Ekzekutiv - Spitali Rajonal Gjilan
NGA/OD/FROM:	z. Hasan PRETENI Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me Tenderin " Furnizim me pajisje Mjekësore Rentgen – Grafi Digjitale "



I nderuari, z. SYLEJMANI,

Duke u bazuar në nenin 5 paragrafi 1 nën paragrafi 1.12 të Ligjit për Agjencinë kundër Korrupsionit nr.03/L-159 dhe nenin 19 paragrafi 1, nën paragrafi 1.6 të Ligjit për Parandalimin e Konfliktit të Interesit në Ushtrimin e Funkcionit Publik, lidhur me tenderin: "Furnizim me pajisje Mjekësore Rentgen - Grafi Digjitale" me nr. të prokurimit: 702-14-25-121, Agjencia kundër Korrupsionit ofron këtë:

OPINION

Kërkohet nga ju si autoritet kontraktues, që t'i ndërmerni të gjitha veprimet e nevojshme për evitimin e shkeljeve të evidentuara në lidhje me Tenderin me titull "Furnizim me pajisje Mjekësore Rentgen - Grafi Digjitale" me nr. të prokurimit: 702-14-25-121, në mënyrë që të respektohen dispozitat përkatëse të Ligjit nr.04 – L/042 për Prokurimin Publik.

A r s y e t i m

Zyra e Prokurimit në Spitalin Rajonal Gjilan ka përgatitë “Njoftimin për Kontratë” me titull: “Furnizim me pajisje Mjekësore Rentgen - Grafi Digjitale” me nr. të prokurimit: 702-14-25-121, e cila është publikuar në faqen elektronike të KRPP-së me datë: 14.04.2014, në Procedurë të Hapur. Agjencia kundër Korrupsionit, përmes Divizionit për Parandalimin e Korrupsionit në Prokurimin Publik, sipas detyrës zyrtare ka identifikuar këtë aktivitet të prokurimit si rast për trajtim. Gjatë trajtimit dhe ekzaminimit të dokumentacionit në “Njoftimin për Kontratë” dhe “Dosjen e Tenderit”, Agjencia kundër Korrupsionit ka hasur në disa të dhëna që nuk janë në pajtueshmëri të plotë me dispozitat e Ligjit në fuqi për Prokurimin Publik i cili është i zbatueshëm në Republikën e Kosovës.

Në Njoftimin për Kontratë dhe Dosjen e Tenderit, tek rubrika III.2.4) Kapaciteti teknik dhe profesional, pika 5 është kërkuar certifikata ose dëshmi me të cilën vërtetohet se pajisjet e ofruara të jenë të prodhuara ose të regjistruara për qarkullim dhe shitje në shtetet e BE, SHBA, Kanada, Australi , Zvicër, Izrael dhe Japoni .

Autoriteti Kontraktues me formulimin e kësaj kërkesë ka përcaktuar origjinën e këtyre pajisjeve. Me përcaktimin e vendit të origjinës për pajisjet furnizuese, mund të favorizohen Prodhues apo Operator të caktuar Ekonomik dhe në të njëjtën kohë diskriminohen të tjerët. Autoriteti Kontraktues mund të kërkojë që pajisja të jetë e kualitetit të lartë apo ti referohet një standardi vendor ose ndërkombëtar për furnizim me këto pajisje, por assesi nuk lejohet të kërkojë nga ndonjë vend i caktuar. Bazuar në legjislacionin e Republikës së Kosovës i cili e rregullon fushën e Prokurimit Publik, një gjë e tillë nuk është e lejuar dhe nuk i jep hapësirë konkurrencës së lirë dhe të ndershme.

Në Dosjen e Tenderit dhe Kërkesën e njësisë kërkuese, që ka përgatitur A.K. për këtë aktivitet të prokurimit, tek pjesa e specifikimeve teknike të detyrueshme, AKK ka vërejtur se disa përshkrime të specifikimeve teknike janë favorizuese për një prodhues dhe në të njëjtën kohë specifikimet e tilla i eliminojnë disa prodhues të këtyre pajisjeve mjekësore.

Autoriteti kontraktues më konkretisht Njësia Kërkuese duhet të ketë kujdes dhe t’i përpilojë specifikimet teknike në atë mënyrë që ato të mos jenë më vlera fikse por të caktohet minimum i kërkesave teknike dhe që të jenë të hapura për të gjithë Operatorët ekonomik të cilët mund të bëjnë furnizimet me pajisje të tilla mjekësore. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik.

Gjatë ekzaminimit të dokumentacionit lidhur me këtë procedurë të prokurimit, Agjencia kundër Korrupsionit ka vërejtur se tek Planifikimi i Prokurimit për vitin 2014, Autoriteti kontraktues nuk e ka paraparë fare vlerën për këtë Kontratë, si dhe në Deklaratën e Nevojave dhe përcaktimit të

disponueshmërisë së fondeve mungojnë të dhënat dhe nënshkrimi i Zyrtarit kërkues , praktika këto jo të mira dhe në kundërshtim me Ligjin.

Agjencia kundër Korrupsionit, gjithashtu ka vërejtur se kërkesa e njësisë kërkuese nuk është përpiluar dhe lejuar në formën zyrtare të cilën e parashih legjislacioni në fuqi.

Veprimet e Autoritetit Kontraktues të cekura më lartë, konsiderojmë se bien ndesh me Nenin 7 Barazia në Trajtim/Jo-Diskriminimi, nenin 8 Planifikimi i Prokurimit, dhe nenin 28 Specifikimet teknike të Ligjit për Prokurimin Publik Nr.04/L-042, me nenin 7 Deklarata e nevojave dhe përcaktimit të disponueshmërisë së fondeve dhe me nenin 9 Funkcionet e Njesisë së Kërkesës e Udhëzuesit Operativ për Prokurimin Publik.

Konsiderojmë se shkelje të tilla nuk duhet lejuar në procedura të prokurimit, andaj Agjencia Kundër Korrupsionit rekomandon anulimin e këtij aktiviteti të prokurimit dhe kërkon nga Autoriteti kontraktues që t'i shmang praktikatat e tilla në të ardhmen.

Autoritetet Kontraktuese e informojnë Agjencinë për veprimet e ndërmarra.

Me respekt !